

17 So werden sie erkennen, das du es bist und dein name
sey herre, das du allein sehest der höhst in allen
landen.

Summa summarum, es müssen die feyndt des Euangelij nicht allein
5 alle plage haben, sunder auch gar zu schanden werden, das sie jr augen nit
auffheben dürfen, die vorhyn wehse, eerliche, frumme leüt geweest sein. Als
dann inn der angst werden sie den namen gottes anruffen, wie die tolln
Jundfrawen. Unnd die heuchler Matthe. 7. Aber da wirdt kein erhören Matth. 25, 11
noch erbarmen sein, drumb das sie gottes wort verachtet haben. Prover. 8. Matth. 7, 23
10 Sunder nur eyttel schande, scham, schrecken und umbkummen. [Bl. C viij^a] Als
dann werden sie die krafft des worts und herrligkeit gottes erkennen. Es
muß Gott von allen creaturen erkandt unnd geeret werden, es geschehe mit
gnaden oder mit unwillen inn der verdambnuß. Also wirdt er auch vom
Pharaone ja vom Teuffel gepreht. Hierumb nempt die zucht an unnd gebt
15 Gotte die eere alle, die jr etwo groß angesehen seht auff erden. Es ist
erschrecklich in die hende des lebendigen gottes fallen, höret auff wider jn zu
toben und kisset seinen sun Jesum Christum unnsern herren, als die unter-
thanen jrem herren huldigen. Amen. /8